

國朝滇南詩畧

卷十

國朝滇南詩畧目錄

卷十

趙城二首

程振鵬一首

薩綸錫四首

王綱毓六首

李根雲十五首

陳善言一首

趙汝達二首

劉庶埴一首

陳綸五首

劉庶壇九首

金國卿三首

張復六首

蕭拱璧 二首

詩 二首

陸仲舒 一首

何朗 一首

萬咸熙 二首

張凌雲 三首

羅鳳彩 三首

董聰 一首

夏冕 二首

趙淳 三首

王瑋 一首

金國賓 三首

許希孔 二首

孔衍祺 一首

李合 一首

得為許 十七首

劉晟基 四首

國朝滇南詩畧卷十

古皖江濬源岷雨

鑒定

保山袁文採纂輯

姚江翁元圻鳳西

趙

城

字巨輿通海人康熙乙未進士歷官河南布政使

理靈波謁蔡忠烈公墓

杲卿血濺常山土舌斷肉飛耀千古當年從死人  
有無云胡青史缺不補殘骸也應有人收孤墳埋

沒泣秋雨。長沙司李蔡江閣。偉哉先後可比論。爾  
時逼城賊氛熾。官吏散如鳥獸羣。叱咤一聲毛髮  
豎。山頽鬼號天地昏。馬革拋殘昔盡裂。純剛百鍊  
濺流血。可憐從容向義心。留作丹青銘忠烈。相從  
徒隸有九人。同聲願死從忠臣。一時長沙城頭土  
飛作。睢陽百戰塵。田橫穴傍有二客。蔡公塚側掩  
一骼。忠節無間古與今。試看理靈坡上雲陰陰。起

議論絕大通幅筆  
墨淋漓武家槊識

金山寺懷古

丹徒城外江奔流。倚拔巖巖踞上游。浮玉宛然勢  
若浮。應是天遣砥柱凌滄洲。上有妙高之臺窺天  
闕。下有中冷之泉擬丹邱。猿啼鶴唳上方靜。松蒼  
竹翠危巖幽。一拳朝昏屢更變。拾級登臨資冥搜。  
欲尋當年獲金處。裴李已往名空留。焦先耽隱胡  
舍此。豈憎來往喧闐競。渡罔鷗之飛舟。三國六朝  
霸業瞬如虎眼轉。自註虎眼轉見太白詩  
北言水勢之旋急也昭明玉

局蜚聲渺似龍吟收。惟有韓蘄王遺恨。恍未休有。  
時長風來萬里。濤驚浪駭。騰逸鼓怒。驅蛟蚪。墜馬。  
絳袍不可識。但見古木花。毚枝相膠。竭來忠義足。  
千古功名富貴人可求。因念吾鄉楊老子。功成只。  
合把釣鉤。石淙已築幡。然改欲罷不能多。隱憂至。  
今公論一以定。紗籠舊詠等浮漚。我來凭虛放兩。  
眸。浩歌不已悲高秋。悲高秋。強登樓。客心不隨大。  
江盡。慈航只在故山頭。  
前段寫景峭倩中段叙次  
歷落入古末以懷故山收

合山寺作結章法渾成理實氣空  
學太白而近大蘓矣許霖識

程振鵬  
字雲九昆明人  
振鵬弟諸生

### 落葉

咽斷氣蟬楚岫孤蕭蕭落葉下平蕪  
愁聽悵別江淹賦恍對流民鄭俠圖  
古道西風驅瘦馬荒村殘月叫寒鳥  
悲秋寂是天涯客一樣飄零鬢已枯

舒捲結構渾成古道一聯  
尤為詩家三昧周熊識

薩綸錫  
字言如楚雄人康熙乙未進士翰林院  
檢討真志稱其氣度安詳善詩文後卒

國朝詩話卷一  
於官故著作  
少概見云

晚景

歌馬巉巖下。閒吟坐石屏。  
雨禽秋宿樹。風竹晚翻  
亭。海白千帆月。波澄四野星。  
漁家燈火靜。穉子撲流螢。

古寺

路入幽篁裏。招提碧樹秋。  
窓前皆峭壁。戶外獨寒  
流。梵響清蘿月。書聲繞石樓。  
誰云仙境遠。此地即

蓬洲

秋晚遇故人

秋景清無際。天風蕩綠鬟。卧雲連水靜。樓鳥對人閒。  
磬響巖前寺。月明江上山。偶然逢素友。獨自抱琴還。

石門古渡

混沌何時鑿。千年巖壑幽。小橋橫碧澗。危石老丹邱。  
樹鎖空亭午。虫吟落木秋。此中塵慮息。一似泛

虛舟。

先生五律皆清曠寫景亦復自然胡鎮識

王綱振

字子京號忍齋昆明人康熙丁酉舉人歷官御史

初歸六首

江湖萬里歸。朋舊競諦視。昔見皆兒童。今復携子至。皤皤白髮翁。款款談往事。別去曾幾時。風景已屢易。世故宛雲烟。人生委如寄。感慨無復言。各盡杯中意。

三徑未全荒。曉起撫庭樹。草木若待人。欣欣迎清

露叢竹欲抽條。老梅亦新吐。幽棲理僻園。知不違  
吾素。

抱疾向虛窓。日夕淡無事。卧聽山鳥鳴。時復生野  
趣。風雨千里偕。似解殷勤意。物微得自然。勞爾協  
幽契。

明月下庭除。所在生虛白。四顧無雜音。淡然如有  
獲。俯仰天宇空。巨細何由格。世路互紛紜。人自昧  
安宅。誰知萬古因。有生皆過客。念此坐深宵。移時

已陳迹。

古有至性人。篤言在空谷。胸中無一事。隨地芳草。  
綠。此意詎云遙。歸休卧茅屋。清光日往來。鳥鳴風  
在竹。邂逅兩無情。素懷亦自足。何必更深林。始得  
娛幽獨。

少年不識道。空言役華藻。既往安可追。頭白悞探  
討。半畝屋東偏。春風無暮早。老樹絕塵氛。生機緣  
綠草。坐卧盼三光。未知何日老。盈虛如轉環。萬古

良浩浩。所期養餘年。淵泊在懷抱。信步行花間。落

英風自掃。

六詩俱幽澹  
楊春萃識

李根雲

字仙蟠  
歷官江西  
亦人趙州人  
康熙戊戌進士

屢典文衡及出守清徐二郡司蠡兩淮備

兵賴饒調驛鹽道所至有聲七旬謝病後

僑寓漢陽其後嗣今遷浙焉。先生詩跌

宕雄奇才思騷發脫稿後不復取視浮湛

江表者幾二十年凡五監秋聞昨舟泊南

昌循卓之聲尚在人口即以詩論亦當在

皆山永齋之次

云後學師範識

舟次皖城中丞魏慎齋先生招飲示以所紀

教養實蹟圖詩以美之

混沌鑿既久。淳風難復留。緬彼古哲人。教養實前  
籌。稷禹互咨。做府事交綢繆。富矣乃可穀。土物減  
厥修。彝訓昭萬世。治道寧他求。何哉阡陌廢。六籍  
付新標。人以吏為師。貧無立錫謀。身命既不惜。名  
教等贅疣。無。限。史。事。兵刑日相逼。天地生煩憂。本計胥以失。包。羅。  
百為皆謬悠。遙遙數千載。盛衰此其由。我皇纘  
聖緒。後先針芥投。懷保儼無逸。精意貫九州。一夫

必安飽無使俗有媮。

德音時時下。條列事事周。

元功既迴轡。如天廣覆幬。長吏百職事。敢弗承其  
流。胡為憤憤者。覆餗甘貽羞。或則循具文。肉食自  
優游。或則事武健。挾智窮錮鏹。剥膚不知痛。民瘼  
何有瘳。我聞慎齊語。恍與龔黃遊。巾幘非所戀。惟  
計民安不。日夕厲饑溺。拊循化競疎。溝瘠遂以起。  
頑梗日以柔。漢南歌誰嗣。畿輔感賢侯。至今西湖  
上。政聲公獨優。牧民誠如此。古人安足侔。安得百

其身萬邦升大猷

起四如高屋建瓴下乃層層推勘時露警句氣勢磅礴少陵

之能事可石段琦謹識

都昌道中觀農人穫稻

驅車杜原上。已是嫩寒天。秋風撼籬落。白蘋生暮烟。一望如雲錦。黃茂如陌阡。塲園既已築。刈穫竟相先。婦子勤餉饁。主伯欣仔肩。如梁復如茨。廩困具充然。老農前致詞。使君曷憇焉。往者歲且儉。蔀屋難苟全。吳飢楚復爾。東南半憂煎。追呼例不免。